



Plata dla Ploania Antermëia Sant'Antone Abat

Ploan: **siur Klaus Sottsass**
E.mail: klsottsas@rolmail.net

Tel. 344 1554055

UNITÉ PASTORALA



VAL BADIA

www.unitepastorala.org

Ann C 21.09.2025 - 28.09.2025 - 25. domënia ia por l'ann


n. 43

S'al tigní o le dé ca?

 Am 8, 4–7 | 1 Tim 2, 1–8 | Lc 16, 1–13


Dal Vangele do San Lüca:

Te chël tēmp à Gejù dit a sü discepui: ¹N'ël rich â n aministradù. Chësc àn incolpè dan da d'ël, che al spaterlass ia so avëi. ²Sön chëra l'âl fat cherdè y ti à dit: Cî aldi pa porsura tè? Dà cunt de tûa aministrasiun! Te ne pos nia restè inant mi aministradù. ³Dailò à l'aministradù ponsè sura: Mi patrun me tolarà l'aministrasiun. Cî dessi pa spo fà? Por n laür pesoch ne veli nia, da jì a petlè me dodi. ⁴Impò – i sa cí ch'i mēssi fà, che la jënt me toles sö te sües cíases, canch'i sarà desmetü sciöche aministradù. ⁵Al à cherdè adalerch i debitors dl patrun, un indolater, y à damané le pröm. Tan ti este pa de debit a mi patrun? ⁶Al à respognü: Cënt barjì d'öre. Y al ti à dit: Tol to scrit de debit, sëntete atira y scrî "cincanta". ⁷Spo àl damané n ater: Tan este pa tö de debit? Chël à respognü: Cënt sac de formënt. Y al ti à dit: Tol to scrit de debit, y scrî "otanta". ⁸Y le Signur à laldè la furbizia dl aministradù dejonëst y à dit: I fis de chësc monn é cun chi de süa sort plü furbi co i mituns dla löm. ⁹I ves diji: Fajésse amisc cun l'aiüt dla richëza iniüsta, por ch'i gnëise tué sö tles abitaziuns eternes canch'ara jarà cun os a fin.) ¹⁰Chël che é de parora tles pices cosses, chël l'é ince tles granes, y chël che fej de tort tles plü pices cosses, chël le fej ince tles granes. ¹¹Sc'i ne sëis nia stà de parora tla richëza iniüsta, chë ves confidarà pa spo la dërta richëza? ¹²Sc'i ne sëis nia stà de parora cun la proprieté di atri, chë ves confidarà pa spo osta dërta proprieté? ¹³Degun stlâf ne po sorvì dui patruns; o al ti arà le sēnn a un y ti orarà bun al ater, o al tignarà da un y desprijarà l'ater. I ne podëis nia sorvì intrami, Idí y le màmonn.



ANTIFONA

Iö sun la salvëza dl popul – insciö dij le Signur. Te vigni meseria, te chëra ch'ai me chërda, ôi i ejaudì. I ô ester so Signur por düc i tēmps.

 Letöres dla 26. domënia ia por l'ann:
Am 6, 1a.4–7 | 1 Tim 6, 11–16 | Lc 16, 19–31



Informaziuns y terminns

Ultimes Prozesciuns al Santuar Santa Crusc 2025: le lift va cina ai 5.10)

- Lönesc 29/9 San Michil 7.30 Prozesciun da Badia
9.30 S.Messa sö La Crusc
- Sabeda 4/10 San Francësch 5.00 Ora d'adoraziun
6.00 S.Messa sö La Crusc
- Domënia 5/10 Festa dl Rosare 15.00 Prozesciun dal Santuar jö te paisc de
Badia
- Domënia 12/10 15.00 Conculjiun cun la prozesciun tl paisc de
Badia



La uniun ëi dl decanat Val Badia inviëia duc i ëi y
jogn da tó pert ala prozesciun cun linternes
en vëndres ai 26 de setëmbër 2025 dales 19.30

dala dljia de Badia sö Oies.

Recordësse da se to para na linterna o na ciandëra.

Presentaziun dl liber „Der alte Mann und der Hase“ na conversaziun sinziera che dá coraje sön la vita y la mort de Berend Feddersen y dla rëi de cures palliatives dl'Aziënda sanitara da Bornech, Domandes ries sciöche: che tol pa la dezijiun canch'i ne pó nia plü iö tó dezijiun? ciafa na resposta te na manira ligherzina mo concreta. Insciö pón afronté les chestiuns importantes che mëss gní stlarides tl testamënt biologich (Patientenverfügung) y tles mosöres de cura y assistënza sanitara y sozjala en vëndres, ai 26 de setëmbër 2025 dales 19.30 te Ciasa de Palsa a San Martin de Tor. Organisaziun Comité de Raiun Val Badia.

Referat: “Resistere, resistere, resistere! Strategie per vivere al meglio dentro la coppia: impariamo come!” cun Giuliana Franchini y Pino Maiolo psicologs y psicoterapeuc. Ai 3 de otober dales 19.30 tl salf di stödafüch a San Martin de Tor. La vita tla copia é öna dles perts plü importantes de nosta vita, mo co ciara pa fora na bona vita de copia? Y co se cambia pa les relaziuns söla basa de esperiënzes personales, di cambiamënc dla sozieté, dla digitalisaziuns? Esistel tecniches y strategies por mioré la vita de n per? Savunse da ascuté sö y comuniché? Y por aprofondí ciamó deplü la tematica, sarál la sabeda danmisdé, ai 4 de otober n workshop cun chisc tems: se conesciunse? I descuriun magari valch che i ne savun nia.co se dessenunse pa? Podunse imparé da strité damí zënza se desdrüje sciöche per? La serada ai 3 de otober è daverta a duc y le workshop la sabeda sará dales 8:30 ales 13:00 sön prenotaziun al 0474 52 45 52. Organisaziun: Comité de Raiun Val Badia

*Dötes y düc é dër bel inviá al **Di dla Cultura Ladina dal titul „Mic y lijendes ladines”, en domënia, 21.9. a San Martin de Tor.***



Le de metará man dales 9.30 cun n **convëgn scientific** tl Istitut Ladin Micurá de Rù y vá inant dales 14.00 cun n **domisdé creatif** tl MusLa Ciastel de Tor, olache al vëgn pité n grüm de laboratori culturai por pici y gragn. Le domisdé creatif gnará stlüt jö cun na presentaziun finala dales 17.30 olache al gnará ince presenté d’atres scomenciadies interladines y cun n punt zentral: la premiaziun dl’onoranza “**Merit Ladin**” y dl’ “**Ert X Merit Ladin**”. Dales 20.00 da sëra vëgnel spo metü a jí tl salf dl Istitut n **Salon cultural** ladin: na manifestaziun cun n program d’ert, musiga, leteratöra y performance tl Istitut Ladin Micurá de Rù. Le Di dla Cultura Ladina ressonará spo dales 21.30 inant sön plaza dl Istitut Ladin y jará a piz cun **Musiga danterores**. Al sona y cianta Anita Obwegs y Ethnic Techniques söla Plaza dl Istitut Ladin Micurá de Rù. Dales 18:30 inciafaran val’ da bëre y mangé tla plaza dl Istitut Ladin Micurá de Rù.

Le program de döt le de é debann. La scomenciadia dl’Intendënza y Cultura Ladina dla Provinzia Autonoma de Balsan – Südtirol sará na festa dedicada a döta la jënt ladina y interessada, realisada tres na colaboraziun danter les istituziuns culturales dla Ladinia. L’ediziun 2025 é dedicada ai mic y ales liëndes ladines en ocajiun dla candidatöra por le reconoscimënt sciöche arpejun culturala imateriala Unesco.

La **Uniun Teater La Ila** mët a jí n **curs de teater por mitans y mituns** cun Erika Castlunger tla Ciasa de Cultura a La Ila vigni vëndres domisdé dai 26 de setëmber inant por 10 iadi: dales 14.30 - 15.30 por la 3 y 4 classa elementara, dales 16.00 - 17.30 por la 5 classa elementara y por la scora mesana. Le cost è de 30 Euro. Informaziuns y iscriziuns: Erika 339 62 88 847



Ai 27 de setëmber festejëia la Dlijia le prou y fondadú de ordin **Vinzenz de Paul** (1581-1660), che vëgn araté por só impëgn tl ciamp dla assistënza de chi dala meseria y cura di amará sciöche **fondadú dla Caritas** d’aldendaincö.

	23.09.2025	Barbara - Annalena
	28.09.2025	Gabriel – Maximilian – Niklas - Julian
	28.09.2025	Erwin Forer

Impressum:
Comunicaziuns:
Download:

Ploania Antermëia - redaziun Carlo Piazza
cina la jöbia sëra a carlo.piazza@hotmail.com | o tel. 3803520465
www.unitepastorala.org | www.comun.sanmartindetor.bz.it